

石碣谏宠州吁 隐公三年

左 传

卫庄公娶于齐东宫得臣之妹、曰庄姜。东宫、太子宫也。得臣、齐太子名。○叙庄姜与太子同母、表其所生之贵也。与下嬖人紧照。美而无

子。美于色、贤于德而不见答。终以无子。○四字深妙。卫人所为去声、赋硕人也。硕人、国风篇名。国人以庄姜美而不见答、作硕人之诗以闵之。○引证冷隽。又娶于陈、

曰厉妫。规、生孝伯、蚤死。其娣弟、戴妫生桓公、庄姜以为己子。弟、戴、陈姓。厉、戴、皆谥也。妻之妹从妻

来者曰娣。桓公虽非正出、然为正嫡所子、自然当立。○庄姜以为己子、应无子句。公子州吁、嬖人之子也。庄公嬖姜、生子名曰州吁。贱而得幸曰嬖。有宠而好去声、

兵、母嬖故有宠。宠字是一篇主脑。伏下六逆祸根。公弗禁。以宠故弗禁。庄姜恶之。乌故反。纵其好兵、必致祸、故恶之。○以上叙庄姜贤美而不见答。所宠者乃嬖人之子州吁、卫国之祸、自此始矣、

以起下文。石碣。鹄、○卫文。石大夫。谏曰、臣闻爱子、教之以义方、弗纳于邪。方、矩则也。易曰、义以方外。纳、使之入也。邪者、义之反。

指好兵言。骄奢淫佚、所自邪也。四者之来、宠禄过也。骄奢淫佚、乃邪之所自起。而所以有此四者、由宠禄之过。禄者、宠之实也。○以上推言宠之流弊、适所以纳于邪、实非爱子也。

将立州吁、乃定之矣。先拗一笔。若犹未也、阶之为祸。不定其位、势必缘宠而为祸。○四句、与欲与大叔数句、

笔法相同。夫扶、宠而不骄、骄而能降、降而不憾、憾而能眡去声、鲜矣。眡、安重貌。言宠爱而不骄

肆、骄肆而能降心、降心而不怨恨、怨恨而能安重、如此者少也。○此就人常情上、申言所自邪之义、以明州吁之必为祸也。

且夫

以下推开一步、就庄姜、桓公与嬖人州吁、两两相对说。

贱妨贵、

以爵言。

少陵

长、

掌、○以齿言。

远间

去声、

亲、

以地言。

新闻旧、

以情言。

小加大、

以势言。

淫破义、

以德言。

所谓六逆也。

此六者、皆逆理之事。

君义、臣行、

以在国言。

父慈、子孝、兄爱、弟敬、

以在家言。

所谓六顺也。

此六者、皆顺理之事。

去

顺效逆、

今宠州吁、其于六逆、则贱妨贵、少陵长。其于六顺、则弟不敬。是去顺而效逆矣。

所以速祸也。

君人者、将祸是务去。

而

速之、无乃不可乎。

两祸字、应前阶之为祸。君人以下十六字、一气三转。词意恺切。

弗听。

庄公不听。

其子厚与州吁游。

禁

之、

应弗禁。

不可。

石厚不听。

桓公立、乃老。

谓告老致仕。○夫以石碯之贤、谏既不行于君、令复不行于子、命也。夫其见几而作、不俟终日、智矣哉。

宠字、乃此篇始终关键。自古宠子未有不骄、骄子未有不败。石碯有见于此、故以教之义方为爱子之法。是拔本塞源、而预绝其祸根也。庄公愎而弗图、辨之不早、貽祸后嗣、呜呼惨哉。